

BENEDICTIO IN SOLUTIONE SYNODI.

(*Ex vetustissimo Pontificali ms. bibliothecæ cathedralis Rotomag.*)

Christus Dei Filius, qui est initium et finis, complementum vobis tribuat charitatis. Amen.

245 Et qui vos [ms., nos] ad expletionem [al., absolutionem] hujus fecit pervenire concilii, absolutos vos efficiat ab omni contagione delicti. Amen.

Ab omni reatu liberiores effecti, absoluti [al., adiutii] etiam per donum Spiritus sancti, felici reditu vestiarum sedium cubilia repetatis illæsi. Amen.

Semper proficiat cura vestra, ut quando judex ve-

A nerit evigilet fides vestra, vigilante præmium de Domino receptura. Amen.

Deinde vobis potestate predicandi in populo, et quod alii ore predicatis, corde semper teneatis. Amen.

Exaudiat vos Dominus in tempore orationis vestrae, et det vobis consilium rectitudinis, ut evadere mereamini supplicium Acherontis. Amen.

Quod ipse præstare dignetur.

BENEDICTIO EPISCOPALIS

Ad missam in nocte Nativitatis Domini.

(*Ex eodem Pontificali ms.*)

Populum tuum, quæsumus, Domine, pio favore prosequere, pro quo dignatus es in hac sacratissima nocte tuam mundo presentiam exhibere. Amen.

A cunctis eum adversitatibus paterna pietate custodi, pro quo in mundo hoc in tempore dignatus

B es ex Virgine nasci. Amen.

246 Utinam te Redemptorem suum semper intelligat, et tuam veraciter gratiam comprehendat. Amen.

Quod ipse præstare dignetur. Amen.

BENEDICTIO EPISCOPALIS

Ad missam in Sabbato sancto.

(*Ex eodem Pontificali ms.*)

Dens, qui mortem nostram ingressus inferni tarda in bac nocte devicisti. virtute divina, suscipe propitijs familiæ tuae preces humillimas voto sincere mentis oblatas. Amen.

Et quos veteribus maculis baptismatis emundavit una sacra, per lavacrum tua protectionis auxilio purgati, tales ante te presententur in judicium, quales nunc processerunt ex baptismo. Amen.

Et qui te miserante revocati sunt in paradiſo per-

C eunte peccato, non patiaris exsules fieri renascente commisso. Amen.

Et qui te semel agnoverunt [ms. agnovit] Principem universitatis et Dominum, nunquam invasis sensibus in se tyrannizantem sentiant iniuricum. Amen.

Quod ipse præstare dignetur.
Benedictio Dei Patris et Filii.

VETUS ORDO

Ad instituendum canonicum regularem in ecclesia S. Laudi Rotomagensis.

(*Ex ms. codice ejusdem ecclesiæ.*)

247 Sequitur serritum religiosorum professorum secundum usum Sancti Laudi Rotomagensis.

Veniens novus post offertorium missæ cum magis ro suo ante majus altare, dicat stando :

 Suscipe me, Domine, secundum eloquium tuum, et vivam.

D flectendo genua sua, dicat.

 Et non confundas me ab expectatione mea.

Ter dicat hunc versum. Finito versu, cantor incipiat antiphonam : Suscepimus, Deus, cum Gloria Patri, et postea iterum Suscepimus, Deus. Idem.

Magnus Dominus

Al'serere mei, Deus.

Ecce quam bonum.

Deinde cantor: Suscepimus, Deus.

Postea litania a duobus cantatur usque Fili Dei, deinde prælatus benedicat habitum religionis sub iis orationibus.

Signum Domini nostri Jesu Christi damus super hanc vestem ad custodiendum **248** divinum propositum, et ut Spiritus sanctus regnet in corde et in corpore suscipientis.

Oratio.

Deus honorum virtutum dator, et omnium benedictionum largus infisor, exaudi preces nostras, et hoc vestimentum, quod famulus tuus pro conservando sanctæ conversationis proposito se ad induendum exposcit, benedicere et sanctificare digneris. Per Dominum.

Quo facto, aqua benedicta aspergatur; deinde novitius adiuv sacerdotali habitu induitus ad ordinatorenum accedens, flexis genibus, stet ante eum, quem ordinator sacerdotali habitu exueni, dicat:

Exuat te Dominus veterem hominem cum actibus suis. Amen.

Et induens eum linea indumento, subjungat:

Induat te Dominus novum hominem, qui secundum Deum creatus est in justitia et sanctitate veritatis.

Fratres respondeant: Amen.

Postea induatur cappa sive capitulum (48).

Deinde remittat se ante altare flexis genibus, et dicat prælatus preces sequentes.

Salvum fac servum tuum,

Dens meus, sperante in te.

Mitte ei, Domine, auxilium de sancto.

249 Et de Sion tueri eum.

Nihil proficiat inimicus in eo.

Et filius iniquitatis non noceat ei.

Eto ei, Domine, turris fortitudinis.

A facie inimici.

Dominus vobiscum.

Et cum spiritu tuo.

Oremus.

Dens, qui non vis mortem peccatoris, sed poenitentiam et emandationem semper desideras; misericordia tuae suppliciter imploramus [auxilium], ut hunc famulo tuo sacerdotalibus actibus renuntianti largue tuae pietatis gratiam infundere digneris, quantum castris tuis insertus ita tibi militando stadium vte presentis percurrere valeat, ut bravium æternæ remunerationis te donante percipiat. Per Christum.

Oremus, dilectissimi fratres, Dominum nostrum Jesum Christum pro famulo isto, qui accepto habitu religionis sibi servire festinat, ut donet ei Spiritum sanctum, qui susceptae religionis propositum in eo perpetuum conservet, et a mundi impedimento vel sacerdotali desiderio cor ejus defendat, ut sicut mutatur habitu, ita manus dexteræ sue ei virtutis tribuat incrementa, et ab omni cæcitate humana oculos eius aperiat; et lumen ei æternæ gratiae **250** concedat. Qui cum Deo Patre et eodem Spiritu.

Oremus.

Sancte Spiritus, qui te Deum ac Dominum Deo Patri Filioque corequalem revelare mortalibus dignatus es, immensam bonitatem tuæ gratiam posulum, ut sicut ubi vis spiras, sic hoc famulo affectum devotionis indulges, et quoniam sapientia tua est conditus, tua quoque providentia gubernetur, quem juxta consuetam gratiam unctio tua de omnibus doceat, et per intercessionem beatissimi patris nostri Augustini, quem præcipuum hujus sanctæ institutionis leglatorem dedisti, et omnium sanctorum, cum veraciter a vanitate sæculi converte, et sicut es omnium peccatorum remissio, deprimentes impietas obligationes in eo dissolve, ad observantium hujus sancti propositi fac eum certatum servere, ut in tri-

A bulationibus et angustiis tua indescienti consolatione valeat respirare, ut sobrie, juste et pie per veram humilitatem atque obedientiam in fraterna charitate fundatus, quod te donante promittit, felici perseverantia compleat. Quod ipse præstare digneris, qui cum Deo Patre et unigenito Filio ejus Domino nostro Jesu Christo vivis et regnas Deus. Per omnia sæcula sæculorum. Amen.

251 Tunc surgat novitius, et legal aperte voce professionem suam propria manu scriptam.

Ego frater N. offeram tradō me ipsum divinæ pietati in ecclesia beati Landi serviturn secundum regulam S. Augustini, et promitto obedientiam domino N. priori præfatae ecclesiæ, et successoribus ejus canonice intrantibus.

Et ponens eam professionem super altare, flexis genibus ore, et prælatus incipit dicere ter hanc antiphonam: Confirma hoc, Deus. Chorus respondeat: Quod operatus es in nobis a templo sancto tuo quod B est in Jerusalem. Et repetatur ter. Sequitur oratio super eum:

Dominus vobiscum.

Et cum spiritu tuo.

Oratio.

Oremus.

Dens qui famulum tuum N. a sæculi vanitate conversum, ad supernas vocationis amorem accendis, pectori illius purificando illabere, et gratiam ei qua te perseveret infunde, ut protectionis tuae munitus presidio, quo te donante promisit impletat, et sine professionis executor effectus, ad ea que perseverantibus in te dignatus es promittere pertingat. Per Dominum.

Postea prælatus donet novitio se flexis genibus statu communem societatem congregationis, **252** dicens hanc orationem S. Augustini.

Oratio.

Omnes quamvis per gratiam baptismi fratres simus in Christo, et unum Patrem habeamus in celo, si ejus preceptis, prout possumus, obsequamur; procul dubio tunc maxime unimus, quando orationibus et beneficiis invicem copulamur quemadmodum primitiva Ecclesia, quibus cor unum et anima una erat; quo amore plures accensi mente, possessiones et facultates rerum vendentes, congregatis cum matre Iesu in unum pretia deferebant gaudentes, que apostoli accepta tribuebant omnibus, prout opus erat, sive iste nihilominus Deo inspirante eorum exemplo communis nostris optat jungi consortiis. Nec circa datus ei communem societatem vivendi noscum, quantum a Deo possumus premereri, et uostrum est largiri, quatenus cum electis a remuneratore omnium bonorum valeat premia recompensa pereipere: prestante Domino nostro Iesu Christo, qui cum Patre et Spiritu sancto vivit et regnat Deus per omnia sæcula sæculorum. Amen.

Deinde novitius osculetur prælatum, postea superiorem, et omnes fratres a senioribus inchoando sicut sunt per ordinem; postea osculo pacis dato, **253** prælatus incipiat: Veni, Creator. Finito Veni, Creator; dicat prælatus: Dominus vobiscum. Et cum spiritu tuo.

Oremus.

Dens, qui renuntiantibus sæculo mansionem paras in celo, dilata hujus sanctæ congregationis temporale habitaculum coelestibus bonis, ut fraternæ tenentur compagine charitatis, unanimis continentiæ præcepta custodian, sobrii, simplices et quieti, gratis sibi datam gratiam suisse cognoscant; concordet vita illorum cum nomine, professio sentiatur in opere. Per Dominum.

Item prælatus faciat eum jurare, dicendo haec verba quæ sequuntur.

Ecclesiæ jura, ordinis statuta, capitulo secreta, nonne sic juras [ms. juratis] tenere? Respondeat: Ita.

(48) Hic nulla sit mentio pilei quadrati, et almutiæ, sive almutiæ.